

## Transkription von Stadtbucheintrag HRO 1360a

Ort, Datierung: Rostock, 1360-03-10

Signatur: Stadtarchiv Rostock, Liber arbitrorum Nr. 294, Bl. 4a (1.1.3.1 - 7.294) [\[online\]](#)

Inhalt: Rat der Stadt Rostock: Abgabeverordnung für den Besitz von Mühlensteinen und Leibgedinge

---

[... ] cons(ules) in Rostok sub a(n)no d(o)m(ini) m ccc lx fe(r)ia t(er)tia an(te) d(o)m(ini)ca / leta(r)e [...]<sup>1</sup> /

molensten<sup>2</sup> /

wy Radma(n)ne to Rozstok myt endrachticheit wille(n)<sup>3</sup> hebben des ouer enghedre=/ghen vn(de) settet zo we molenstene koft vn(de) vp settet he sy borgher edder / ghazst de scal gheue(n) vor de stede vor ene(n) iewelken sten ene lubesche / m(a)r(k) vn(de) de stene schalmen anders nerne setten men vppe de wonlyken / stede buten dat molendor . wolde ok en ghazst allentelen stene vorkope(n) / also me(n)nighen he vorkoft zo me(n)ghe lub(esche) m(a)r(k) schal he der stad gheue(n) /

lifgedink<sup>2</sup> /

wy radma(n)ne to Rozstok endrachtichliken synt des to rade worden vn(de) / hebben dyt sette ghesad dat alle deghene de lifghedynghe buten der / stad hebben scholen dat wul vorscheten vn(de) de gheue de dat by(n)ne(n) / der stad myt den godeshusen hebben de scholen dat half vorscheten / men de gheue de dat myt der stad hebben de scholen ene iewelke / m(a)r(k) also menneghe m(a)r(k) he des jares vpboret vorschoten also hō=/ghe also sük dat des jares bort /

---

<sup>1</sup> i. Eintragung lateinisch, Datum dieser Eintragung gilt auch für die folgenden Eintragungen

<sup>2</sup> rechts am Rand

<sup>3</sup> eingefügt